

Jahresbericht 2018

Polysport

D'Gruppe Polysport trifft sich jede Mittwochobe zwische 20:15 Uhr und 21:45 Uhr ir Turnhaue in Büren a.A. Üsi Gruppe besteit us 17 Mitglieder und setzt sich zur Häufti us Froue und zur angere Häufti us Männer zämä. Einigi vo de Mitglieder si scho sit dr Gründig vo der Polysportgruppe derbi, angeri si ersch im Jahr 2018 i üsi Gruppe gstossä und wieder anderi hei d'Gruppe us zitleche oder private Gründ verlo. Da mir a keine Vereinswettkämpf teilnäh, liegt dr Fokus vo üsne Trainings weniger uf dr Leistig aus viu meh ufem gemeinsame Sporttibe und em Spass. Näbscht dem, dass mir fasch jede Mittwochobe öpis für üsi persönlihi Fitness mache, spiele mir ganz vili verschiedeneni Spili und chöme so am Name „Polysport“ sicher grecht. Mir düe vor auem Fuessball, Unihockey, Volleyball, Badminton, Basketball, Rugby, Baseball, Madball und no vili witeri chlini und grossi Ball-, Karten- oder Gschicklichkeitsspili spilä. Nachem Motto: *„Zuerst die Arbeit und dann das Vergnügen“*, starte die meischtä Trainings nachem Ufwormä mitämnä kurze Usdur- oder Kraftblock. Vor de Feriä finde immer wieder Spilturnier statt, wo mir üs mitengang düe mässe. Da mir tänzerisch nid so begabt si und üs ds Tanze nid extrem Fröid bereitet, hei mir entschide, dass mir ar jährlich stattfindende Obeunterhautig vom Sport- und Geräteturnverein sowie vom Trunverein nid mitmache. Üsi Mitglieder het mä darum nid uf der Bühni, sondern eher hinterem Vorhang oder hinger dr Sporthauebar atrofte.

Am traditionelle Verinsbrätle vor de Summerferie hei mir natürlich ou wider teilgno. Dank dem wunderschöne und warme Summer si mir ou no äs paar mou nachem Training gemeinsam ufene Schwumm id Aare und einisch hei mir sogar ä ganz kurze Triathlon (Rennen, Fahrrad, Schwimmen) veraschtautet. Zur Abwechslig im Winter si mir ds Biel uf der Eisplanade go Schlöfe und hei üs derbi mit Glühwi, Tee oder Kaffee gwärmt. Fürs 2019 hoffe mir no uf ganz viu Schnee bis is Flachland, damit mir wieder einisch gemeinsam ufe Bettlebärg chöi loufe und när mit em Schlitte abeschlitle.

I dem Sinn danki aune Mitglieder vom Polysport für öii tröi Teilnahm und öiä sportlich Isatz währendem ganze Jahr. Es macht immer wider Fröid mit öich Sport ztribe.

Fürs 2019 wünsch i aune Turnerinnen und Turner vom SGV vili schöni, unvergesslihi u lustige Trainings und viu Erfoug a dä Wettkämpf!

Natascha Beutler